

"Сыртқы экономикалық қызметке қатысушыларды ең аз тәуекел санатына жатқызу және кедендік ресімдеудің оңайлатылған тәртібін қолдану ережесін бекіту туралы" Қазақстан Республикасы Қаржы вице-министрі - Қаржы министрлік Кедендік бақылау комитеті төрағасының 2005 жылғы 29 маусымдағы бұйрығына өзгерістер мен толықтырулар енгізу туралы

Күшін жойған

Қазақстан Республикасы Қаржы министрлігі Кедендік бақылау комитеті төрағасының 2006 жылғы 5 шілдедегі N 231 бұйрығы. Қазақстан Республикасының Әділет министрлігінде 2006 жылғы 2 тамызда тіркелді. Тіркеу N 4325. Күші жойылды - Қазақстан Республикасы Қаржы министрінің 2010 жылғы 21 қыркүйектегі № 474 Бұйрығымен

Ескерту. Күші жойылды - ҚР Қаржы министрінің 2010.09.21 № 474 Бұйрығымен.

Қазақстан Республикасы Кеден кодексінің 371 , 382 , 470-баптарына сәйкес

БҰЙЫРАМЫН :

1. "Сыртқы экономикалық қызметке қатысушыларды ең аз тәуекел санатына жатқызу және кедендік ресімеудің оңайлатылған тәртібін қолдану ережесін бекіту туралы" Қазақстан Республикасы Қаржы вице-министрі Қаржы министрлігі Кедендік бақылау комитеті төрағасының 2005 жылғы 29 маусымдағы N 240 бұйрығына (Нормативтік құқық актілерді мемлекеттік тіркеу тізілімінде N 3757 болып тіркелген, Қазақстан Республикасы орталық атқарушы және өзге де мемлекеттік органдарының нормативтік құқықтық актілерінің бюллетенінде жарияланған, 2005 жыл, N 17, 136-құжат, 2005 жылғы N 45 (254) "Ресми газетте" жарияланған) мынадай өзгерістер мен толықтырулар енгізілсін:

көрсетілген бұйрықпен бекітілген Сыртқы экономикалық қызметке қатысушыларды ең аз тәуекел санатына жатқызудың ережесінде:

5-тармақ мынадай редакцияда жазылсын:

"СЭҚ-қа қатысушының мәлімдемесін тіркеген сәттен бастап үш күн ішінде уәкілетті орган оның тіркелген және кедендік ресімдеу жүргізген орыны бойынша облыстар (республикалық, астана мәніндегі қалалар) бойынша аумақтық бөлімшелер мен кедендерден (бұдан әрі - кеден органы) СЭҚ-қа қатысушының осы Ережеде белгіленген талаптарға сәйкестігі туралы растауға

с ұ р а у с а л а д ы .

СЭҚ-қа қатысушыны тіркеу орны бойынша кеден органы уәкілетті органның

сұрау салуы келіп түскеннен кейін бір апта мерзімінде тексерістің түрін айқындайды және бұл туралы уәкілетті органды хабардар етеді.

Жыл ішінде кеден органының посткедендік бақылау бөлімшелері қаржылық қызметін тексерген СЭҚ-қа қатысушылар тексеріске жатпайды.

СЭҚ-қа қатысушыны тіркеген және кедендік ресімдеу жүргізген орыны бойынша кеден органы белгіленген мерзімде СЭҚ-қа қатысушының осы Ережеде белгіленген талаптарға сәйкестігі туралы растауды уәкілетті органға ұсынады.";

6-тармақ мынадай редакцияда жазылсын:

"СЭҚ-қа қатысушының мәлімдемесін қарау мерзімі 60 күнтізбелік күннен аспауы тиіс.";

1 1 - т а р м а қ т а :

үшінші абзац мынадай редакцияда жазылсын:

"СЭҚ-қа қатысушының Қазақстан Республикасы Қылмыстық кодексінің 209 , 213 , 214 , 250 , 251 , 259 , Қазақстан Республикасының "Әкімшілік құқық бұзушылықтар туралы" Кодексінің 405 , 410 , 417 , 421 , 423 , 424 , 426 - 434 ,

438-баптары бойынша кінәсінің, сондай-ақ мұндай құқық бұзушылықтар мен қылмыстар үшін белгіленген талап қою мерзімі ішінде кеден ісі саласындағы өзге де бірнеше (үштен астам) құқық бұзушылықтардың жоқтығы";

бесінші абзац мынадай редакцияда жазылсын:

"соңғы екі жыл ішінде бір жылдың ішінде жиырма жеткізілімнен кем емес, ал отандық тауар өндірушілер үшін - бір жылдың ішінде он жеткізілімнен кем емес немесе соңғы екі жыл ішінде бір жылдың ішінде екі жүз елу мыңға тиісті жылға арналған республикалық бюджет туралы заңда белгіленген айлық есептік көрсеткіштер сомасына тауарларды өткізу табылады";

мынадай мазмұндағы абзацпен толықтырылсын:

"бұл ретте ең аз тәуекел санатына жатқызуға арналған өтініш берген СЭҚ-қа қатысушы тауарларды алушы және келісім-шартты ұстаушы болатын тауарларды жеткізу ескеріледі.";

12-тармақтың 1) тармақшасы мынадай редакцияда жазылсын:

"СЭҚ-қа қатысушының Қазақстан Республикасы Қылмыстық кодексінің 209 , 213 , 214 , 250 , 251 , 259 , Қазақстан Республикасының "Әкімшілік құқық бұзушылықтар туралы" Кодексінің 405 , 410 , 417 , 421 , 423 , 424 , 426 - 434 ,

438-баптары бойынша кінәсін, сондай-ақ СЭҚ-қа қатысушы кеден ісі саласындағы өзге де бірнеше (екіден астам) құқық бұзушылықтар жасағандығын тану туралы соттың немесе кеден органының шешімі болған кезде";

көрсетілген бұйрықпен бекітілген Кедендік ресімдеудің оңайлатылған тәртібін қолдану ережесінде:

5-тармақ мынадай редакцияда жазылсын:

"Егер, "тауарлардың экспорты" және "тауарларды еркін айналым үшін

шығару" кедендік режимдеріне сәйкес өткізілетін тауарларды кедендік ресімдеу кезінде келісім-шартты ұстаушы және жүкті алушы ең аз тәуекел санатына жатқызылған СЭҚ-қа қатысушы болып табылатын жағдайда Кедендік ресімдеудің оңайлатылған тәртібі қолданылады."

2. Қазақстан Республикасы Қаржы министрлігі Кедендік бақылау комитетінің Талдау және статистика басқармасы (Р.Қ.Айтаев) осы бұйрықтың Қазақстан Республикасы Әділет министрлігінде мемлекеттік тіркелуін қамтамасыз етсін.

3. Қазақстан Республикасы Қаржы министрлігі Кедендік бақылау комитетінің Ұйымдастырушылық жұмыс және бақылау басқармасы (С.С.Молдабаев) осы бұйрықтың бұқаралық ақпарат құралдарында ресми жариялануын қамтамасыз етсін.

4. Осы бұйрықтың орындалуын бақылауды өзіме қалдырамын.

5. Осы бұйрық оның бірінші ресми жарияланған күнінен он күн өткеннен кейін қолданысқа енгізіледі.

Төраға